

*For Joseph Banks Esq.
from the Author.*

DISSERTATIO MEDICA
INAUGURALIS,
DE

Cinchona Officinali Linnaei;

SIVE

CORTICE PERUVIANO:

QUAM,

ANNUENTE SUMMO NUMINE,

Ex Auctoritate Reverendi admodum Viri,

GULIELMI ROBERTSON, S.S.T.P.

ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu,

Et nobilissimæ FACULTATIS MEDICÆ decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

ERUDITORUM EXAMINI SUBJICIT

RICARDUS PULTENEY, R. S. S. *K*

BRITANNUS.

Ad diem 8 Maii, hora locoque solitis.

Si nunc se nobis ille AUREUS arbore RAMUS

Ostendat nemore in tanto!

Virg.

EDINBURGI:

TYPIS ACADEMICIS,

M,DCC,LXIV.

BARON WILLUGHBY
HUGONI
PATRONS PLURIMUM COLENDO



Jos: Banks

VIRO PRAENOBILI,
PATRONO PLURIMUM COLENDO,
HUGONI
BARONI WILLOUGHBY
DE PARHAM;

SOCIETATIS ANTIQUARIAE
APUD LONDINENSES

PRAESIDI DIGNISSIMO ERUDITISSIMOQUE;

SOCIETATIS REGALIS
VICE PRAESIDIS FUNGENTI;

MUSAEI BRITANNICI

E CURATORIBUS;

ETC. ETC.

FAUTORI EGREGIO,
EO QUO PAR EST OBSEQUIO,
GRATI ANIMI MONUMENTUM,
HANC DISSERTATIONEM
SACRAM VOLUIT

RICARDUS PULTENEY.

ATLANTIC FLORIANUM COLLEGE

U G O D U H

BARONET WILLOUGHBY

DE PARHAM;

3182577A RITATB1003

1900-1901

1800-1810



2150001 2 21

101

1940

1. The first of these is the fact that the

1941

DISSERTATIO MEDICA,
DE
CINCHONA OFFICINALI.

DISSERTATIUNCULAM, pro
more academico, concinnaturo,
materiem satis amplam prae-
bet Cortex Peruvianus : Medicamentum, quod
Novus fert Orbis, virtute tam insigni prae-
ditum, ut auro gemmisque ejusdem prae-
tiosius longe sit aestimandum. Inter om-
nia auxilia, quae genti humanae fors un-
quam objecerit, aut diu multumque medi-
tando extuderit labor ; inter omnia, quae
aegris corporibus liberaliter concesserit alma
Natura : Nullum, ex vegetabilium saltem
regno, nullum fortasse praesidium, aliunde
petitum, in hanc usque diem detectum,

A

magis

2 DE CINCHONA OFFICINALI.

magis laudabilem praestitit effectum, quam hoc, de quo agitur, medicamentum; a mortalibus igitur, grato, ut decet, animo, accipiendum.

ARBORIS itaque primum, ex qua colligitur hoc nobile medicamentum, inquirendus et colligendus est character classicus et genericus ex systemate sexuali. Claris. *De la CONDAMINE*, cui volupe erat, ad incrementum scientiarum, iter suscipere arduum ac difficile Americanum, hanc arbo-rem vidit, in Peruviano regno, solo natali laete vegetantem. Ille, autopsia instructus, perfectiorem quam antea optimamque dedit historiam hujusce et descriptionem, in *Actis Gallicis*; e quibus character naturalis a LINNAEO, in ejus *Generibus Plantarum*, constructus est.

CLASSIS ET GENUS.

SECUNDUM Systema dein Sexuale, pertinet hoc genus ad Classem Pentandriam,
Ordinem

DE CINCHONA OFFICINALI. 3

Ordinem Monogyniam ; et his notis, sub nomine Cinchonae, ab aliis distinguitur.

CHARACTER ESSENTIALIS.

Lin. Syst. Nat. edit. x. p. 929.

Corolla infundibuliformis : capsula infera, bilocularis, a basi dehiscens.

CHARACTER NATURALIS.

Lin. Gen. Plant. edit. v. No. 208.

Calix. Perianthium monophyllum, quinquefidum, minimum, persistens.

Corolla. Monopetala, infundibuliformis : Tubus cylindraceus, longus ; limbus patulus, quinquefidus, ferratus, acutus.

Stamina. Filamenta quinque minima. Antherae oblongae intra tubum corollae.

Pistillum. Germen subrotundum infra receptaculum floris. Stylus longitudine corollae. Stigma crassiusculum, oblongum, simplex.

Pericarpium. Capsula subrotunda, calyce coronata, bilocularis, a basi, versus apicem, bifariam dehiscens.

Semina, plurima, oblonga, compressa, marginata.

Obs.

4 DE CINCHONA OFFICINALI.

Obs. Flos interdum demit quintam partem numeri, in singulis partibus.

S P E C I E S.

PER seculum, et quod excurrit, unica tantum species hujus generis nobis cognita erat. Non ignoro interim, tam ex GEOFFROY (*a*), quam ex HOFFMANNI (*b*) aliorumque dissertationibus, corticem quendam, paucis abhinc annis, ex America allatum esse; multosque in fraudem induxisse, sub nomine Kinae Kinae Faeminae. Hic tamen minori efficacia, imprimis febrifuga, multum cedit Quinquinae verae; et ad Cascarillae vel Eleutheriae genus, omnium fere auctorum suffragiis, amandatus est. At, nuperrime, JACQUINUS, inter reformatores primi subsellii Botanicus, arborem in Insulis Caribaearum habitantem detexit; quae legibus, a LINNAEO institutis, Cinchonae generi rite apponi debet.

S Y N O-

(*a*) Geoffroy Mat. Medic. tom. 2. p. 202.

(*b*) Hoffman. Dissertat. De cortice Cascarillae, § 5, Suppl. ii. par. i. p. 706,

SYNONYMA.

I. CINCHONA *Officinalis* panicula brachiata. *Lin. Sp. Plant. edit. 2. p. 244.*

Cinchona Officinalis. Lin. Sp. Plant. edit. 1. p. 172. Lin. Mat. Med. No. 71. Syst. Nat. tom. 2. p. 929.

Quinquina. Geoffr. Mat. Med. tom. 2. p. 180. Condamin. Act. Paris. ann. 1738. Alston. Ind. Med. Tripl.

Cortex Peruvianus, Peruanus, China Chinae, Quinquina Officin. Dalei Pharm. ed. 3. p. 291. Lewis Mat. Med. p. 427.

China Chinae. Hoffman. suppl. ii. par. 2. Mat. Med. p. 166. Vogel. Hist. Mat. Med. p. 287.

Arbor febrifuga Peruviana. Raii Hist. Plant. tom. 2. p. 1796.

II. CINCHONA *Caribaea*, pedunculis unifloris. *Jacquin. Amer. p. 16. Lin. Spec. Plant. edit. 2. p. 245.*

6 DE CINCHONA OFFICINALI.

CINCHONAE OFFICINALIS DESCRIPTIO.

RADIX lignosus, ramosus.

Caudex adscendens, arboreus, teres, erectus, ramosus, crassus sex vel octo pollices; altus (a) orgyas duas vel tres, cortice tectus duas aut tres lineas crasso; epidermide in antiquiori scabro, fusco vel canescente; in juniore, laeviusculo rufescente.

Rami divaricati.

Folia petiolata, simplicia, opposita, ovato oblonga, integerrima, cuspidata, glabra, nervosa, lata duas, longa tres uncias.

Petioli lineares, unciam dimidiam longi.

Pedunculi summos ramos terminantes, paniculati, brachiati, multiflori.

Corolla intus, colore miniato, ungue vividiori, limbo pallidiori; extus, rubore squallido.


Reliqua

(a) Pruni, ex quibusdam descriptoribus, vel Cerasi circiter amplitudine gaudet Cinchona. — Vide *Phil. Transact. Abridg. vol. 4. part. ii. p. 323.* vide etiam Librum cui Titulus, *Talbor's Wonderful Secret. Lond. 1680. page 1.*



DE CINCINNATI A CINCINNATI

DE CINCINNATI A CINCINNATI



J



Cinchona officinalis Linnæi.

DE CINCHONA OFFICINALI. 7

Reliqua adumbrationis e caractere naturali petenda sunt.

LUBET hic adjungere hujusce arboris ramuli Iconem, ab ingeniosissimo J. HAWKEENS, olim delineatam.

A. Ramulum foliis et floribus onustum exhibet.

B. Corollam.

C. Corollae Tubum dissectum, ut in conspectum veniant Staminum Antherarumque situs et numerus.

D. Pistillum. *a.* Germen. *b.* Calycem. *c.* Stylum. *d.* Stigma.

E. Fructus. *e.* Capsulam, a basi versus apicem bifariam dehiscentem.

F. Capsulam longitudinaliter dissectam, ut semina in conspectum prodeant.

G. Semina.

LOCUS.

HABITAT in Americae Meridionalis regione, Peruvia dicta, in montibus praesertim circa Loxam. Ex fide etiam D. Ulloæ, in Cuencae

8 DE CINCHONA OFFICINALI.

Cuencae Jurisdictione ejusdem regionis, sylvas densas constituit (a).

T E M P U S.

REFERT, ex autopsia, Cl. *De la CONDA-MINE*, Cinchonam, more plurium e calidis regionibus arborum, in omni anni tempore frondescere, florere etiam, et fructum ferre perpetuo. In Peruvia, apud vulgus, recipitur, Corticem ex arboris plaga orientem versus evulsum, et Lunae jam tempore senescentis, optimum esse. Sub coelo tamen sicco, et quolibet anni tempore, per totum quoque caudicem decorticatur nunc arbor. Insolatione ficcatur cortex ad emporium.

NOMINUM ETYMOLOGIA.

QUAE ad nominum etymologiam pertinent, ut rem parvi momenti, et dubii plenam, paucis absolvam verbis. Quina Quina dicitur,

(a) Voyage to South America, book vi. chap. 2.

DE CINCHONA OFFICINALI. 9

dicitur, vel Quinquina, ut quidam (a) volunt, a voce Quina, sermone Indorum vernaculo, Corticem in genere, denotante. Et hinc, ob eximiam ejus praestantiolemque, prae aliis corticibus, virtutem, Cortex Corticum, quasi appellatur. Cinchona appellatur a LINNAEO, secundum leges fundamentis (b) ejus botanicis traditas, ex *Comite del CINCHON*, tunc temporis, quum vires Quinquinae coeperunt inclarescere, Prorege Jurisdictionis Limae Hispanico. CORTEX PERUVIANUS, PULVIS PATRUM, aliaque nomina, notiora sunt, quam ut tempus in iis recensendis impendam.

CORTICIS PERUVIANI FATA.

SI fata fortunaeque medicamentorum usque ab origine contemplemur, facile inveniemus, nobilium plurima, casu potius fortuito, quam experientiam tentando, in lucem
B proferri.

(a) *Condamin. Act. Paris. anno 1738.*

(b) *Critica Botan. § 238. p. 77. Vide etiam Philos. Botan. p. 171.*

proferri. Exemplum, nisi fama, saepius mendax, nos deceperit, per totam fere terram notissimum, e re jam jam tractanda, profereamus : Hominis nempe cujusdam, natione Indorum Loxae, febre saevissima, et, ut videtur, intermittente, aegrotantis. Ille, siti coactus, aquam e lacu, Cortice Peruviano acrius saturato, copiosissime hausit : Eo pacto, non sibi solum, sed toti regno, salutem dedit. Virtute igitur Cinchonae insignissima, hoc ut praedicant modo, feliciter detecta, ex odio erga Hispanos, utpote victores, longo temporis intervallo, apud Indos, ex industria celabatur arcanum. Quidam demum Americanus, grati animi causa, idem communicavit cum Loxae (a) Praefecto, natione Hispano : Hic, paulo post, uxori Comitissae del CINCHON, tertiana febre periculose, ut putabant, decumbenti, novum propinavit, et nobile medicamentum ; statimque, in omnium stuporem, illa convalevit. Ob dignitatem talis foeminae sanatae, brevi, in illa regione, inclaruit Quinquina ; et tempus nunc demum instabat, quo virtutem
ejus

(a) *Geoffroy Mat. Med.* tom ii. p. 1

DE CINCHONA OFFICINALI. 11

ejus eximiam illustrarent Europaei. Patres e Societate Jesu, ex quibus Pulvis Patrum audit, ex America in Italiam primum, circiter 1649, Corticem Peruvianum in Europam introduxere: Experimentisque suffulti, optimam ejus certissimamque, ad intermittentes, virtutem comprobarunt.

SATIS igitur patet, Corticem Peruvianum, pro tempore saltem, sub Patrum e Societate Jesu tanquam imperio positum fuisse, ideoque ex legibus empiricis exhibitum.

QUAMPRIMUM autem de Cortice Peruviano differere inchoarint medici, in diversas statim abiere sententias. Quidam, de ejus qualitate, num calida et sicca, aut in quo gradu, ex Peripateticorum dogmate, lites moverunt. Quidam, frigidam et narcoticam (a); quidam, calidam (b) pronunciarunt: Alii, ex chymicorum more, alcalinam (c) inesse naturam voluere: Fuerunt alii, qui

(a) *Roch. Cassatus* ut a *Mortono* et *Langio* allegatus.

(b) *Chiffletius*, in tract. de Pulv. feb. Orbis Americani, Paris. 1653.

(c) *Etmullerus*, in disput. de praecipitantium usu, ut a *Langio* allegatur.

qui operam et oleum perdidere, modum operandi quaerendo: Horum nonnulli (a) eum valde incusarunt, ut infarctionum viscerum promotorem; alii contra, plus quam satis est, laudarunt, tanquam panaceam. Ex his, facile colligi potest, quod cuncti fere, vanis scholarum hypothesibus obnubilati, secundum propriae sectae dogmata, ut in verba magistri jurare addicti, de Quinquinae indole, usu ejus et abusu, dijudicaverint.

HAEC tam diversa inter doctos judicia in damnum medicamenti non raro tendunt. Certe, Quinae fama, dum hae gerebantur lites, imminui coepit; et plane, summa cum artis medendi injuria, in desuetudinem abiit. Num id incommodi ex mala et intempestiva medicaminis administratione; num potius, ut videtur, ex dosi futile, ac morbo plane impari; num, denique, ex aliis causis; haud equidem scio. Certe interim sic se res habuit: Mox vero, ratione exhibitionis magis

(a) Inter quos enumerandi sunt *Baglivius*, *Etmullerus*, *Stahlius*, ejusdemque sectatores, ut ab *Hoffmanno* citantur omnes, in dissertatione de recto Corticis Chinae usu in febribus intermit-
tentibus. Oper. omn. tom. vi. p. 32.

gis apta, sensim ac feliciter, detecta, dosim imprimis, si mihi liceat conjectare, augendo, sese illustrarunt denuo Quinquinae recuperatae vires; et facile, ab aliis febrifugis dictis, palmam reportavere.

IN omni Europa, non defuerunt Viri, arte medica versatissimi, quibus in confesso fuerunt Quinquinae merita, quique calamum in ejus dignitate vindicanda exercuerunt. Inter vindices, nemo est qui non agnoscit, quod plurimum laudis ac meriti SYDENHAMO nostro debeatur. Ille, in honorem artis suae omnino natus, hypotheses spernens, fida experientia edoctus, non tantum ejus vim, ad intermittentes sistendas, fuisse et magis perspicaciter docuit, et stabilivit; sed primus fere posteriores ejus usus, ad alias nec paucas nec leviores vitae imbecillitates profligandas, praxi amplissima ostendit. Illi etiam, ad Corticem vindicandum, adsurgabant MORTONUS, alique docti; quorum consiliis tandem, jure quidem ac merito, primum fere locum obtinuit Cortex. Nec mihi vitio vertatur, quod TALBOTIUM, in
Gallia,

14 DE CINCHONA OFFICINALI.

Gallia, oblivioni tradiderim: Quanquam multum ei tribuerint auctores; moneo, ex auctoritate vix spernenda, quod conjicere liceat, TALBOTIUM, quidquid luminis, de vera Corticis Peruviani propinandi methodo, habuerit, id ex SYDENHAMO (a) clam expilasse.

VIS CORTICIS PERUVIANI et QUALITAS.

MEDICORUM omni aevo clariores, in dignoscendis plantarum viribus, multum desudarunt. Quis non novit, quid temporis Sectae Astrologorum medici, ab astris; quid Signatores (b), ut cum LINNAEO loquar, e colore, ex facie externa, habitu toto, aliisque signaturis, vires plantarum deducendo, impenderint? Quid demum laboris, partibus vegetabilium omnibus examini per ignem subjectis, Academia Scientiarum

(a) Vide *Swan's Sydenham* edit. 3. p. 308. Lond. 1753. note k.

(b) Inter hos eminet J. B. Porta *Phytognomonica*. Opus magni plane laboris,

tiarum Parisina (a), frustra, ni falluntur hodierni, perdiderit? Inter recentiores, Botanici quidam, a classibus plantarum naturalibus (b): Alii quidem, a sapore et odore (c), magis feliciter earum vires indagarunt. Hi tamen, nisi usu et experientia, more veterum, Dioscoridis praeprimis, fulti, omnes in lubrico versantur. Ad hoc confirmandum, e re tractanda exemplum proferre licebit: Quis enim, ex Corticis Peruviani sapore, miram nempe, prae aliis amaris et adstringentibus febri-fugam, et gangraenas sistendi, virtutem in Cortice inesse opinaretur?

OPTIME ad usum Cortex Peruvianus eligatur

(a) Fere bis mille analyses per ignem fecere Chymici Reg. Scient. Acad. Parisinae; sed his omnibus praestitere nihil, nisi ut liquidum foret, ex omnibus communiter extrahi posse oleum, spiritum, phlegma, sal, et terram, et saepe haec omnia eadem quantitate et proportionem in plantis diversissimi effectus. Chomel. Hist. Plant. p. 37.

(b) Hasselquist, in Amoen. Academ. vol. i. p. 389.

(c) Floyer in Pharmacobasan. Lond. 1687. Hoffmann. in dissertatione de methodo compendiosa vires plantarum indagandi. Op. omn. tom. v. p. 60. Lin. Sapor. et Odores Plant. in Amoenitatibus Academicis.

16 DE CINCHONA OFFICINALI.

gatur rufescens, vel rubens, Cinnamomum referens ; sapore adstringente, non ingrato, et aromatice amaro ; odore quasi mucido, leviter aromatico ; dentibus attritus friabilis, non viscidus et glutinosus, non ligneus, non effoetus et annosus (a).

CORTEX talis, chemicae subjectus analysi, phlegmatis acidi, cum pauculo alkali urinosi mixti, tertiam praebuit partem ; olei crassioris consistentiae, octavam ; salis alkalini, circiter sexagesimam.

RESINA hinc in Cortice, ex hujus acidi et olei mixtura, ad quartam totius fere partem assurgit (b).

CORTEX Peruvianus, in aqua coctus, liquorem adstringentem, amarum ; et, dum calet, subrubrum, subpellucidum reddit : Cum friget, vero, subflavescens et turbidum, ob resinam suspensam, evadit decoctum. Coctione cum prioris residuo, in
alia

(a) *Geoffroy Mat. Med. tom. 2. p. 180.*

(b) *Ibid. p. 184.*

alia aqua, ad vices plures repetita, liquor tandem, cum friget, pellucidus redditur; ac eadem ratione, qua repetitur coctio, saporem etiam adstringentem amittit; at tamen, longius adhuc postea coctus, longiusque, amaritiem retinet (a).

CORTEX Peruvianus, aqua frigida maceratus, liquorem pellucidum, sapore quam decoctum potentiorum praeber. Hinc videretur materiem gummosam, inter resinam et aquam frigidam quasi mediantem, lentius licet, perfectiorem tamen efficere solutionem: Coctione enim, gummosa materies cum resinosa, in vegetabilibus, arctissime nupta, ab ea nimis subito distrahi videtur (b).

IN spiritu vinoso rectificato, multo magis perfectò, et largiùs quidem, quam aqueo menstruo, virtutem fundit Cortex Peruvianus: Ad plenissimam interim Corticis virium, qua fieri possit, extractionem, coqua-

C

tur

(a) *Lewis Mat. Med.* p. 430.

(b) *Ibid.* p. 431.

18 DE CINCHONA OFFICINALI.

tur residuum hujusce tincturae in aqua, repetitis vicibus; hac tandem, magis quam ulla alia methodo, iners et impotens redditur Cortex Peruvianus (a).

HAEC tinctura, cum decocto mista, et utrisque, secundum artem, ad debitam consistentiam evaporatis, Extractum Corticis remanet, vim fere totalem retinens, et perfectiorem multo, quam si a decocto solo, vel tinctura paratum fuisset; Corticis enim saporem adstringentem, et amaritiam possidet, ac elegans medicamentum praebet (b).

CORTICEM, in substantia exhibitum, genuinum effectum edere, et efficaciorē, quam ulla ejusdem praeparatio, uno ore consentiunt Practici: Omnes interim hae praeparationes medicis in usum veniunt. Febricitantibus, quibus vires, ventriculi praesertim, sunt debiles, decoctum, quam pulvis levius, aptius esse inde videtur. Infusio frigida stomachicum praebet egregium

(a) *Lewis Mat. Med.* p. 430.

(b) *Ibid.* p. 432.

DE CINCHONA OFFICINALI. 19

gium amarum, chronicis variis aptissimum, et infantibus. Vi adstringente praevalet Extractum, aqua sola, praesertim, fideliter paratum.

AMARA fere omnia, calidiora maxime, vi tonica gaudent in genere: Ex amaro itaque Corticis Peruviani aromatico et restringente sapore, vim tonicam e legibus analogiae deductis, jure quidem ac merito, deducere licebat: Febrifugam et antisepticam sola docuit fida experientia. Inter omnia amara, pollet Cinchona: Amaritiam enim, diutissime licet cocta, pertinaciter retinet (a); immo et solida fibrasque muscutorum, ut apud auctores, certe non contemnendos, lego, ea inficit (b). An ab hac diutina amaritie et intensiori, vires coctrices quasi superante, tantus ejus praestantiorque, praeter alia, effectus? Annon
ab

(a) Cum olim, experimenti causa, ejusdem (Corticis) pulverem saepius decoxissem, non eo usque vires ejus exhaustire valui, quin vel octavum decoctum manifeste adhuc amaricaret. *Fuller. Pharm. Extemporan. edit. 6. p. 5. Lond. 1731.*

(b) *Geoffroy Mat. Med. tom. 2. p. 200. Vide etiam Linn. Amoen. Acad. vol. 1. p. 394. ejusd. Mat. Med. p. 24.*

ab hac indole eximia, tantum prae aliis, nempe tonicorum classis, profluere videntur ejus auxilia tam mirifica, in morbosum corpus humanum; sive sit spasms affectum, sive sit atonia vel generali vel partiali debilitatum? An praeclara Corticis triplex quasi efficacia, qua febres nempe intermittentes tollit, morbos demum gangraenosos, et illos denique a laxitate simpliciter ortos, vi potissimum antisepticae debeatur; vel tonicae junctae, vel alii specificae, liceat enim hoc verbo ad ignorantiae asylum confugere; id dubium, magistris in arte enodandum, relinquo. Qualitatem interim Corticis febrifugam summe antisepticae vi deberi, inter alia, intermittentium generatione, probabile est; quae non raro, ut videtur, a putrida causa (a) ortum ducunt: Eandem tonicae vi deberi, suadet ea, a cathartico, facultas, tam facile easdem febres revocandi.

AT si quis de modo operandi percontetur; an in solida, an in fluida, an in systema

(a) Vide *Pringle's Observations on the Diseases of the Army*, edit. 3. Lond. 1761. p. 337.

tema denique nervosum, primum et immediate agat Quinquina: Id, vero, in arbitrium rei medicae Principum refero; mihi, in tenebris et nocte occulta haec esse, agnoscens. Id tamen, quod medentibus indies patet, vulgare phaenomenon animo adesse velim; quam cito, scilicet, in febribus intermittentibus, scopum attingat Cortex Peruvianus! Unde patere videtur, eum non in humores, non in solida simplicissima, ut cum GAUBIO loquar, sed in systema nervosum, vel solida viva, primum et immediate agere.

EFFECTUS CORTICIS PERUVIANI, IN CORPUS HUMANUM, GENERALES.

FATIS viribusque Quinquinae sic breviter adumbratis, postulat nunc ordo, ut usum tractemus; quem vero, ut fusius dicam, nec tempus finit, nec nostri propositi brevitatis: Tot enim hodie tantisque morbis opitulatur Quinquina, ut nobis opus sit, in compendium quasi ejus praesidia redigere.

22 DE CINCHONA OFFICINALI.

PRIUSQUAM vero singulatim de morbis, a Cortice subsidium petentibus, agendum sit; juvaret equidem, fundamenta, si licuerit, ponere tanquam generalia: Quorum auxilio, regulæ quaedam, de usu præerogativo ejus et abusu, aliquatenus saltem, statui possunt.

HAEC quidem consilia, plenius ac ad amussim, propius impleremus, si nobis dicere daretur, qui et quot sint effectus, in corpus humanum, generaliores, sub sensum cadentes, quos edit Cortex Peruvianus; legibusque eosdem rite firmare. Ut ut huic penso plane impar sim; ne mihi tamen sit culpa, aliquid conari. Corticem, quocirca, ut rectius judicium de re feramus, largiore manu exhibitum esse ponemus. Annon, rebus sic constitutis, hi sunt effectus?

APPETITUM ventriculo ciet Cortex Peruvianus (a).

Alvum fere strictam reddit: Nonnunquam, nimio praesertim dato, solvit.

Pulsus

(a) *Hoffman*. De recto usu Cort. Chin. § 30.

Pulsus in genere fortiolem et quasi constrictiorem reddit; inflammatoriis febricitantibus, duriolem, celerioremque; lentis vel malignis febricitantibus, lentiolem, fortiolem et firmiorem; languidis et convalescentibus, celeriorem et fortiolem.

Calorem corporis naturalem auget, febrilem minuit (a).

Robur et vigorem corporis et animi erigit (b).

Sudorem fere minuit.

Sanctorianam dictam perspirationem, omnium pene consensu medicorum, laete promovet.

Excretionem per renes vel moderatur, vel saepe auget.

Diatthesin in corpore humano putredinosam, mirum in modum, coerctet.

ANNON, ex amara aromatica virtute, qua languidus excitatur ventriculus, appetitum ciere videtur?

TONUM

(a) *De Haen*. Ratio. Medend. par. ii. cap. de supputando Calore Corporis humani.

(b) *Hoff*. De recto Cort. Chin. usu. § 30.

24 DE CINCHONA OFFICINALI.

TONUM canalis alimentaris vitalem, tonica vi, intendendo, ejus adstrictivus, in primas vias, effectus profluere videtur.

AN ex vi tonica simpliciter, an ex aliis, haud equidem scio: Cordi interim certe, ac systemati arterioso, tantum moderaminis, febricitantibus praesertim, largiendi facultas; convalescentibus, tantum roboris, nulli alii medicamento, hucusque detecto, dari videtur. Hic liceat porro obiter notare, id quod in animo iterum volvi iterumque, dum vires Quinquinae contemplatus sum; quod, nempe, non omnino inanis sit Celeb. HOFFMANNI februm theoria: Eas statuens, spasmodicas universi systematis nervosi et vasculosi, esse affectiones (a). Ad rem redeo.

EADEM forte ratione, qua cordis vigorem tam pulchre, robur etiam totius machinae humanae, auget: Nec non, nexu quem nesciunt sapientissimi mediante, quen-
dam

(a) Vide Opera omn. tom. ii. p. 9. De februm natura in genere, § 3. Vide etiam ejusdem Dissert. med. de generatione februm suppl. ii. par. 2. p. 3. § 6.

DE CINCHONA OFFICINALI. 25

dam etiam animo tenorem aequalem, immo hilaritatem non raro, hoc praebet medicamentum, nunquam fatis laudandum.

QUOMODO calorem corporis sani auget, febrilis vero minuit: Id, nempe quod difficillimum extricatu, ignorantiam lubentissime fassus, majoribus in arte relinquo.

CUTIM laxatam roborando, sudorem coercere, mihi visum est.

CIRCUITUM sanguinis totalem augendo, et systema nervosum intendendo, sanctorianam perspirationem promovere:

SPASMOS in genere, renales speciatim, sedando, urinae profluvio moderari, videtur.

CAUTELAE, DE CORTICIS PERUVIANI USU TUTIORI, GENERALES.

HIS rite perpensis, generales quasdam ex
iis cautelas deducere liceat, ut tuto aeque ac

D jucunde,

26 DE CINCHONA OFFICINALI.

jucunde, five ad febres, five ad morbos chronicos profligandos, a medentibus exhibetur Cortex Peruvianus.

AB ejus vi, in primas, ut aiunt, vias, adstringente, illuviem acidam, tenacemve, vel fordem biliosam, quibus onerari possunt, ante Corticem propinandum, per emesin, vel catharsin, evacuandi, oritur fere necessitas.

AB ejus effectu, ad appetitum saepe acuendum, victus levis est fere praescribendus: Vegetabilia, si morbo aptiora, ut flatu ex iis, ab indole Corticis roborante, corrigantur vel expellantur, magis libere admitti possunt in victu.

Ex aucto systematis cardiaci vigore, et momento majori sanguinis; e sensatione capitis, quasi constrictiva; e strictura abdominis, saepe dolente; e respiratione, nonnunquam impedita; nec non secretionis difficili, ab usu Corticis, male praesertim exhibiti, non raro oriundis; plethora, si adsit, vel inflammationis internae signa, leviora

ra quanquam, priusquam exhibendus sit Cortex, sanguinis missione minui debent.

E sudore nonnullis, sub Corticis usu, aliquantulum licet, impedito, non parum momenti, in acutis, est calor lecti, cum potu diluenti, ut laxata evadant vasa cutanea : In chronicis, ut sanctoriana sit aucta perspiratio, quod aeger sit bene vestitus, pariter aeque prodest.

Ex his itidem rationibus, quia vi nempe pollet adstringendi Cortex, et systematis arteriosi robur et vigorem tam cito saepe intendendi, caute, immo cautissime, usurpanda est Quinquina : Quandocunque sese manifestat diathesis sanguinis phlogistica ; quandocunque corpus, ab obstructo quovis vel schirroso viscere, cachecticum evadit ; quandocunque respirationis anhelosae signa, vel symptomata internae inflammationis, thoracis praecipue, dantur ; ubi signa sunt porro suppurationis vel puris inclusi, nisi hic forte aliquid sit malignitatis ; ubi suppressa demum sunt evacuationes criticae ; aut tem-
pus

pus denique mensium instat, vel fluxus haemorrhoidalis.

HISCE consiliis, de tutiori Corticis propinandi methodo, institutis, ad postremam transeo opusculi partem; morborum nempe recensitionem, in quibus eminent Quinquinae vires: Ast insigniores tantum, ob justam incepti nostri rationem brevitatemque, leviter percurram et strictim.

CORTICIS PERUVIANI USUS SPECIALES.

CUM in Europam primum importaretur Cortex, Quartanae sibi solum fere vendicabant ejus usum: Nunc temporis, omnes Intermittentes febres, sive universales, sive topicae sint, nec non remittentes, eo foelicissime profligantur.

LEGES exhibitionis, in febribus cujusvis generis Quinquina debellandis, ex antedictis partim, partim ex sequentibus, deduci possunt,

IN

IN Remittentium et Biliosarum febrium genere, quo propius ad continuam speciem, vel inflammatoriam, accedit febris ; eo magis opus est cautione, in Cortice exhibendo. Priusquam itaque tuto detur Quinquina, praemitti fere debet regimen antiphlogisticum ; plethora nempe, et diathesi phlogistica, sanguinis missione subductis ; ventriculo per emesin, alvo per catharsin, vel per enemata purgatis ; tutior erit, medico prudenti, Corticis usus, et foelicior eventu.

IN Quartanis denique, per emesin saepius, per catharsin non raro, purgatione opus est ; rarius sanguinis diminutione : Multum his profunt, cum Cortice, medicamenta aromatica ; multum lautior victus ; multum perspiratio sanctoriana, exercitatione non tantum debita, sed corpus indumentis laneis investiendo, aucta.

FEBRIS intermittens, vernali tempore, haud semper auxilio eget Quinquinae : At, autumnali, quum vehemens diu saeviit, vel
corpus

corpus redditum est admodum debile; in hoc casu, ipso BOERHAAVIO (a) suadente, haud strenuo illo Corticis Patrono; apuræ tempore, dosi, morbi vehementiæ, ægri ætati, sexui, satis apta, cum regimine, usum habet Cortex præstantiorem. Et, quanquam minus necessarium, ut plurimum, in quotidianis ac tertianis, levioribus præferim, quam in remittentibus, antiphlogisticum, cum Cortice, regimen, esse videatur: Non paululum tamen curæ, in alvo purganda, biliosis, in autumnno, sordibus gravata, ponendum est. Summa veruntamen arte ac prudentia opus est in Cortice exhibendo; quodcumque Febris ipsa intermittens, Quartani speciatim typi, apoplectico supervenerit, vel paralytico, vel cuivis alii, eo morbi genere decumbenti: His enim, ut cum CELSO loquar, ipsa febris sæpe præsidio est.

IISDEM tempestatibus, quibus febres intermittentes, Rheumaticæ etiam sæpe simulque grassantur, et haud raro leviores periodicum

(a) Aphor. No. 767.

dicum induunt typum : Has perinde, quum Cortice curari oportet, ratione prius ad phlogistici sanguinis diathesin habita, legibus iisdem, quibus intermittentes, necesse est subicere. Et hic, etiam, de Hemicrania periodica, pertinet mentionem brevi facere ; de Rheumatismo odontalgico ; dolore Ischiadico ; aliisque ejusmodi Doloribus, diversas corporis partes excruciantibus ; qui, quoniam et intermittentis non raro quoque faciem, quotidianae praesertim, aemulantur, topici intermittentes dici solent. His veruntamen affectionibus, neque expedit perpetuo, neque convenit, Corticem statim propinare ; quippe quod evacuationibus ipsis, ante Corticem rite praemittendis, sine ejus ope, saepe solvatur morbus. Quod res sic sese habeat, experientiam medicorum candide provoco ; quibus videre licuit, Hemicraniam, ob consensum caput inter et ventriculum, vomitoriis cedentem.

LENTIS Febris, vel nervosis, in subsidium venit Quinquina, egregium et potens :

32 DE CINCHONA OFFICINALI.

tens (a) : Hae tamen, ut plurimum, crisi utcumque dubia ac incerta, perfectius quam malignae, judicantur ; et saepe, declinante morbo, remissione, simul interdum et intermissione, cedunt, Corticis ope. In malignis, non raro, statim ab initio, urina est ruberrima (b) ; in lentis, magis aquosa (c) ; in illis, minus iudicii ferens, citius quam in his, evadit turbida ac crassa : In lentis, idcirco, febrifugum aequae ac analepticum, censendus est Cortex, remedium.

Quod vis insit in Cortice, mira et praestans, qua, antidoti more, intermittentium venenum sistit, ac sub incunabulis quasi jugulat, omnibus nunc clare innotescit : Eandem tamen facultatem, in Putridarum, Malignarum, Petechialium decursum sistendo, non aequipollere, nunc evicit

(a) *Huxham. Essay on Fevers. Lond. 1750. edit. 2. p. 87.*
Langrish on Fevers. p. 347.

Gilchrist on nervous Fevers, Edin. Essays vol. v. part 2
p. 555.

(b) *Langrish on Fevers p. 365. Huxham on Fevers p. 95.*

(c) *Langrish p. 339. Huxham p. 76.*

evicit multorum experientia annorum : His enim, antiseptica forte et tonica, potius quam febrifuga virtute, laudabiles ejus praestitit effectus. In malignis, canali alimentari a sordibus primum expurgato, tonum dein vitalem cardiacis ac analepticis sustinere oportet, et diathesin putredinosam coërcere : In hunc finem, instar omnium analepticorum, valde conducit Quinquina. Num prodesset, nec ne, Cortex in malignis, dudum dubia moverunt medici ; gangraenosis tandem praepotens, quidni in universa humorum corruptione valeret, inter alios, quaerit Clarissimus HUXAMIUS (a). Et nunc summum cardiacum in confesso est remedium, vino austero, potui acido, et diaphoreticis aptis maritatum (a). Neque tamen in his omittenda est, id quod plurimum usus habet, aëris inquinati correctio (b). Quum porro compertum sit, quod hae fe-

E

bres

(a) Vide observationes de aere et morbis epidemicis, vol. i. p. 109.

(b) Ibid. vol. ii. p. 84

(c) Vide *Pringle on the Diseases of the Army*, edit. 3. p. 278.

34 DE CINCHONA OFFICINALI.

bres sint contagiosae ; non prava, ut opinor, consilia iis darem, quibus ex officio necessum est, inter homines malignis decumbentes versari, si Corticis deglutitionem, ad contagium avertendum, suaderem.

AD Anginam Gangraenosam, utpote speciem quasi ejusdem generis, transeundum est : Morbum quidem, quem primum ad malignarum classem amandavit, apud Anglos, Clar. FOTHERGILL ; quem, veruntamen, Cortice Peruviano penitus fugare, primus et aperte docuit Cl. WALL (a). Ea itaque, quae proxime de Corticis praesidio in malignis breviter tetigi et strictim, ad hunc quoque morbum accommodari possunt sine damno. Non alienum erit, hic in transitu, observare, quod, in initio praefertim morbi, serpentem gangraenam lotionibus antisepticis et vaporibus prohibere, maximi res sit momenti. His enim auxiliis, incipiente morbo, institutis, si mihi id, quod

(a) Vide opus periodicum, cui titulus, *Gentleman's Magazine* Novemb. 1761.

quod in propria praxi non semel observatum, innuere liceat, morbus quasi topicus, non raro, cursu statim sistitur, et radicitus tollitur.

ILLAE, quas Lentas vel Hecticas Febres vocant Medici, originem tam diversam agnoscunt et multiplicem, ut earum causas optime scire saepe difficile sit. Quibus systema nervosum nimium mobile est, et irritabile; ii, ab animi motibus inordinatis, ab evacuationibus praelargis, diuturnis, et insolitis, vel ab aliis, quae mobilitatem corporis et irritabilitatem adaugent, causis, facilius incidunt in Hecticam Idiopathicam: His, inter alia analeptica, multum profunt, ad tonum corporis in genere, vel alicujus visceris speciatim roborandum, medicamenta e Cortice Peruviano parata (a): Attentione insuper, ut alia sint scite accommodata, semper habita ad causas remotiores. At, quum suppurationes internae Symptomaticam

(a) *Hoffmann*. Oper. omn. tom. ii. p. 181. § 13. *Langrish* on Fevers, p. 295.

cam esse Hecticam denunciant febrem, alia est rerum plerumque facies: et peior sane, dum ulcerosa evadunt viscera. Nihilominus, hic etiam, cum apto regimine, equitatione, coeli solique mutatione, aliisque idoneis, quia magnopere humorum putrori et fibrarum atoniae obsistit, in Hecticorum subsidium venit, nonnunquam, neque infausste, hoc antisepticum nobile et tonicum (a).

Id vere, mirificum quod in Pure Ulcerum, mali praesertim moris, emendando effecerit Cortex Peruvianus, primo dedit indicium eo utendi, ad Variolarum pustulas maturandas: Ad alium enim scopum, nempe, febrifugum, Cortice utitur MORTONUS; declinante nimirum morbo, vel febre secundaria remittente, vel intermittente (b). At, hodie, quoties crudeae sunt Pustulae et aquosae, et corporis vires ad maturandas impares evadunt, aliis nec obstantibus, bono cum

(b) Vide *De Haen* Rat. Medend. edit. Lugd. cap. 27. et passim.

(a) *Morton* Pyretolog. Genev. 1696. p. 121.

cum fructu, suaserunt Corticis usum medici clarissimi. Quò interim propius ad inflammatoriam speciem accedit febris variolosa, eo saltem cautior, aut nullus, sit usus. Quandoquidem a miasmate varioloso oriuntur, vel saltem illud comitantur febres malignae, petechiis, haemorrhagiis, aliisque id genus notis, maxime dignoscendae : Hic etiam, aequè ac in caeteris malignarum typis, plurimum juvant Quinquinae vires ; audaciorque sit ejus usus (a). Per stadia hujus Variolarum generis universa, non pertimescendum esse remedium, lucide, ac primum fere, docuit Cl. MONRO (b) : Ulterius confirmarunt denique Cl. WALL (c) HUXHAM (d) alique (e).

INTER febres exanthematicas, post variolosam, naturaliter in animum venit Morbilloso : Uterque enim morbus saepe simulque

(a) Vide Tissot de Variolis, &c. Lausan. 1761. p. 50.

(b) *Medical Essays and Observations*, vol. v. art. 10. p. 102.

(c) *Philosoph. Transact.* vol. xlv. No. 484. p. 583.

(d) *Essay on Fevers* p. 151.

(e) Mead de Variolis, cap. 3. Vide etiam De Haen. Rat. medend. cap. 15.

que grassatur, et multa utrinque habet communia. Morbillosae interim febris initia, quam variolosae, Catarrhi frequentius stipantur signis, morbi genio equidem magis propriis: Et saepius porro, ad morbi statum, peripneumonica superveniunt indicia periculosiora. Praematuram deinde macularum recessionem, hostem pulmonibus vere funestum, propulzare summa cura nitendum est. Hujus rei causa, Corticem Peruvianum auxilium in Morbillis esse, quasi novum et egregium, exemplis et consiliis, nifus est stabilire, et Orbi Medico nuper publicum fecit, Cl. CAMERON (a).

IN Febre Miliari, si manifestius signa adsint malignitatis; si in longum protrahatur morbus; si porro rigores et calores periodum quandam servant; si urina praesertim sit lateritia, et alia remissionis, vel intermissionis signa appareant; tunc foelicissime oppugnetur Miliaris Cortice Peruviano: Ut alvus tamen prius eccoproticis, vel injectionibus

(a) Vide *Gentleman's Magazine*, December 1751.

nibus, laxata sit; ut respiratio, si difficilis, vesicatoriis libera reddatur; cautelae sunt medico rite servandae.

Quod Cortex Peruvianus sphacelis adeo laete succurrit; ea propter, Erysipelas morbum, naturam gangraenosam induentem, etiam juvari, non est mirandum. Cuius interim inflammatoriam sanguinis diathesin contemplanti, clare patebit, hoc remedium, nec magna sine cura, exhibendum esse. In hoc morbo nec leviori, nec adhuc gangraenoso penitus; haud parum auxilii, post sanguinis detractionem, a catharsi et Cortice, alternis diebus iteratis, me observasse credo.

ILLUD dignissimum Corticis ingenium, a Cl. RUSHWORTH detectum, quo longe caeteris antecedit medicamentis, in gangraenis et sphacelis sistendis; quo porro, in ulcerum pure vulnorumque emendando valet; suae vi deberi, imprimis antisepticae, videtur. Adeo certe laudabiles hic praestitit effectus, in vires corporis resuscitando, humores a putredine cohibendo; adeoque amplae sunt
leges

40 DE CINCHONA OFFICINALI.

leges exhibitionis : Ut, saluum ejus esse usum, sive ab interna, Gangraenae, sive ab externa, ortae sint, causa ; sive febris vehementior adsit, sive nulla ; per longam experientiam nunc viderint practici, e re chirurgica optime meriti (a). At, incipiente gangraena, dum adhuc vasa sanguine spissiori turgent, et phlogistico, non tuto adhibetur medicamentum (b).

E putridarum stirpe, orta est saepius Dysenteria ; cui auxilium fere Cortex Peruvianus. Neque tamen, in initio statim morbi, eo uti convenit. Dum febris enim, si adsit, viget ; dum putrida illuvie primae sordent viae ; cane pejus et angue fugienda sunt adstringentia : His autem, quae Quinquinae auxilio obstabant, expurgatis ; spasmis insuper, demulcentibus et papavere sedatis, ad intestinorum tonum restituendum, mul-
rum

(a) *Edin. Medical Essays and Observations*, vol. iv. art. x. and vol. v. art. x. *Ranby on Gun-shot wounds*, Lond. 1744.

(b) *Pringle on the Diseases of the Army*, p. 343.

tum conducere Quinquinam, nunc neoterico-
rum experientia palam fecit (a).

IN caeteris intestinorum morbis, ab atonia
originem ducentibus; in Diarrhoeis longis
nempe et chronicis; in diuturnioribus e-
tiam illis et pertinacioribus alvi fluxibus,
quos nominarunt auctores Lienteriam, ac
Celiacam affectionem; multum valet Quin-
quina; equitatione praecipue ejus usum co-
mitante, aliisque morbo ac aegrotanti aptis
medicamentis.

QUANQUAM Rheumatismus Febrilis phlo-
gistica sanguinis diathesi plerumque sti-
patur; quidam tamen inter hodiernos,
praeunte sanguinis detractione debita, ac
urina sedimentum deponente, artuum dolo-
re adhuc et febre aliqua remanente, Corti-
cem propinare audent (b). Nisi morbus
F veruntamen

(a) Vide Epistolam a Cl. Whytt ad D. Pringle, in libro
cui titulus, *Observations on the Diseases of the Army*. edit. 3.
p. 245. note. Vide etiam Tralles de Opio, § 3. p. 206. Ba-
ker de Catarrho et Dysenteria, Londinensi, p. 37. Watson's
Letter to Dr Huxham, Phil. Transact. vol. lii. p. 646.

(b) Vide Pringle's *Observations*, &c. p. 157. note. †

42 DE CINCHONA OFFICINALI.

veruntamen externis solum partibus faeviit, et salva sunt viscera nobiliora, remedium erit non tantum lubricum, at periculi sane plenum.

QUINETIAM, in chronico Rheumatismo, neque terreant remedia, e Cortice Peruviano confecta; signis enim inflammatorii, si eorum vestigia adsint, sanguinis detractioe minutis, plurimum usus consequentur, saponaceis, guajaco, balneo frigido, victui tenui, praesertim juncta (a).

CUM, in Arthritide, stadium inflammatorium praegressum sit, et fractae jam vires analeptica summa efflagitaverint medicamenta, tum Cortex, recentiorum suffragio, hunc usum reficiendi adimplebit jucunde: Neque prorsus inutilis arthriticis, in intermissione, idem propinetur, ad malum avertendum; ut olim suavit SYDENHAMUS noster (b).

IN

(a) *Pringle's Observations, &c.* Vide etiam *Swan's Sydenham, edit. 3. p. 276. note.*

(b) *Tract. de Podagra, § 32.*

IN Hydrope curando, Cortex Peruvianus, ob vim adstringentem, minus quam in multis aliis morbis, apud medicos, obtinuit : Cum interim evacuentur aquae, non defuerunt viri summi, quibus, inter alia tonica, majoris sit momenti hoc nobile remedium. Certe, cum langueant totius, ut hydropico solent, corporis, ac praesertim ventriculi, vires ; tum tonum solidorum, admodum jam debilem, restituat, et corporis vim, mirum in modum, refocillet Quinquina (a). Interea tamen temporis, dum haec geruntur cum Cortice ; tale instituere oportet regimen, et alia propinare medicamenta, quibus augeatur in corpore vis absorbendi, et lotii stimuletur segnities. Talia sunt forte exercitia debita, frictions, diaeta sicca et parca ; medicamentum sit, inter heroica, Scilla laudata (b).

UBICUNQUE, in corpore humano, alte infixit radices foedum illud et pertinax malum, quod scrophulum nuncuparunt auctores, aegre cedit medicae arti. In tenella tamen aetate praesertim, quum neque labes haeredi-

(a) *Hoffmann. opera omn. tom. iii. p. 331. § 13.*

(b) Vide *Tissot. de Variolis, Apoplexia et Hydrope, p. 208.*

44 DE CINCHONA OFFICINALI.

haereditaria fit, neque morbus adhuc inveteraverit; quum neque nobiliora infarciantur vel pure scateant viscera; tunc, praeter alia decantata remedia, apud medicos, specifica quasi habita, spes aliqua fit saltem ponenda in Quinquinae viribus; quas primum clare, ad hunc morbi cursum sistendum, ac erudite illustravere Cl. FOTHERGILL et FORDYCE (a).

INTER Cerebri et Nervorum morbos, convulsivi generis, summa quasi ac gravissima convulsio est Epilepsia: Quem sane morbum distribuerunt auctores in Idiopathicam, cum vitium sit in ipso cerebro; vel in Sympathicam, cum cerebrum, a sympathia cum aliis partibus, turbetur. Hujusce mali causae, apud auctores celebratissimos (b) recensitae, variae sunt, et saepe aciem humanam omnino fugientes. Sine his tamen rite exquisitis, medicina manca saltem esset et debilis. Cum interim haereditarius sit morbus, vel inveterascens Idiopathica aegrum

(a) *Medical Observations by a Society of Physicians in London.* vol. i. p. 303. p. 184.

(b) *Boerhaav. Aphor.* § 1075.

grum torqueat ; quod frustra saepius in morbum medicina nihil valeat, conceditur lubentissime. At, five idiopathica, five sympathica, eos invadat Epilepsia, periodica praesertim, quibus tenerum ac delicatulum est genus nervosum, quibusque spastica videtur esse affectio ; praeter Valerianam decantatam, aliaeque specifica, ad accessiones praecavendas, tentatu dignae sunt Corticis Peruviani vires (a).

AT, quanquam aliquid boni e Cortice, in Morbo Comitiali, sperare liceat, cum oportebit cautissime Epilepticis propinare, quibus Quartana aliave intermittens supervenerit : Iis enim febribus non raro pertinaciora chronica varia, ac epileptica mala, penitus tolluntur ; dudum adnotante HIPPOCRATE (b).

SUNT

(a) *Mead* Monit. et Praecept. med. p. 65. Vide etiam *Werlhof* de febribus intermittentibus, p. 16. in notis.

(b) Qui a Quartanis corripiuntur, non ita valde convulsionibus corripiuntur. Si vero prius corripiantur, et quartana insuper accedat, cessant. Aphor. 70. § v. A Quartana correpti, a Magno Morbo non corripiuntur : Si vero corripiantur prius, et succedat quartana, liberantur. *Hipp.* Popular. lib. vi. § 6.

SUNT et alii convulsivi morbi, qui tamen gradu, magis quam genio, ab Epilepsia distare videntur (*a*). Tales motus in genere Spasmodici, Chorea Sancti Viti, habentur, et Tetanus. His morbis, ut in Epilepsia, alia in accessionibus est ratio medendi, alia in intervallis. Huc attamen non pertinet, de auxiliis tractare, quibus, instante paroxysmo, symptomata saepe horrenda sedantur. Quid vero in intervallis, ad recidiva praecavenda, tam pulchre ac Cortex, qui corporis vires, jam nunc debiles, resuscitat, et tonum solidorum inaequalem admodum moderatur, votis respondere potest!

MALUM illud multiforme, quod in viris Hypochondriacum, in foeminis Hystericum, vocant; an sedem habeat in tono canalis alimentaris, hic intensiori, illic remissiori, ut opinatus est HOFFMANNUS (*b*), unde vermicularis motus intestinorum perturbatur, ac in hystericis in consensum trahantur uterus aliaque viscera; an, denique, in generis

(*a*) Boerhaave Aphor. § 1088.

(*b*) Hoffmann. Opera omnia, tom. iii. p. 66. § x.

ris nervosi irritabilitate nimia, vel mobilitate, ventriculi praesertim et intestinorum, ut suaderent potius Hystericarum phaenomena; nunc praeteream. Quoniam tamen, in hoc malo, inaequalis esse plane videtur tonus vitalis, et spasmodicae inde facillime oboriuntur affectiones; multum certe, ab eximio Corticis ingenio, sperandum erit, inter chalybeata et antispasmodica, ne hoc malum indies ingravescat (a).

INTER haemorrhagias, quae a disruptis e plethora exoriuntur, nulla fere periculosior est eâ, quae dicitur Haemoptysis: Ea plane ratione scilicet, quod tabes plerumque consequatur. Cum per narium tamen, vel haemorrhoidalium, vel uteri vasa, Naturae instituto, ut saepe solet accidere, sanguinis copia minuitur; tum, omni cura, nitatur medicus, ne hi Naturae salutares conatus intempestive sistantur. Ii, vero, valde periclitantur, quibus Natura, sanguinis, per pulmonum vasa, abundantiam minuendi consuetudinem instituere coepit: Arduum enim

(a) *Tralles de Opio*, § iii. p. 39. 62.

nim ac difficile est, impetum sanguinis alio divertere, nimium orgasmum compescere, ac laesorum vasorum tonum restituere. Sanguinis missione interim moliendum est hoc opus, alvum leniter ducendo, regimen demum instituendo, oeconomiam totam pacando omnino accommodatum. Quid igitur, quam Cortex (a), nitro praesertim et papaveris succo auxiliante, magis valet, in hos febriles orgasmos compescendo, et tonum systematis aequabiliorem reddendo! Haec dicta, de Haemoptyseos curatione, ad alias in genere haemorrhagias applicari possunt.

AN in pulmone (b) vehemens illa Tussis, quam Convulsivam vocant Puerorum, primariam habeat sedem; an in ventriculo (c); siquidem utraque opinio fautores habuit, anceps haereo: Morbum, interim, putavi hunc contumacem, me non semel vidisse, vomitorio, singulis vel alternis diebus, ventriculo

(a) *Hoffmann*. Oper. omn. tom. iii. p. 205. § 2. et p. 206. § 7.

(b) *Ibid.* tom. iii. p. 3. § 13.

(c) Ut volunt *Waldschmidius*, *Dolaeus*, *Etmuller*.

culo vacuo exhibito, vi simul et duratione coercitum esse: Utcunque autem res sese habeat, cum morbus sit genii certe spasmodici, et vires corporis non raro valde frangat, sic Cortice etiam juvatur. Oportet nihilominus, non raro, ante Corticem propinandum, sanguinem minuere, cum turgida sint vasa, ventriculum emetico, et alvum catharfi, deplere: His quoque scite peractis, tutius evadit id, quod, ad spasmos sedandos, saepe pernecessarium est, Opii puta auxilium.

QUAE ad Quinquinae praesidium, in spirandi difficultate, attinent, haec satis erunt. In asthma convulsivo vel periodico, cum prius rite peragantur evacuationes, et opio leniantur spasmi, irritabilitati pulmonum tunc occurrit, praeprimis, Cortex Peruvianus; cui, cum fructu, adjiciuntur Sagapenum, aliaque, id genus, e ferulaceis gummi.

DISTILLATIONEM vel Catarrhum, quum in pulmonem praesertim ruit morbus; tum ob tussim saepe violentiorem, tum ob eam sci-

G

licet

licet rationem, quod, sub initiis neglectus, phthisi pulmonum viam non raro sternit; intentius considerare, prudentis est medici, nec non a pulmone, summis viribus, divertere. Et quanquam, inter morborum pectoris initia, non legitimus et nimius adstringentium usus, pessima mala fere inferat; Catarrho tamen declinante, cum jam remittantur inflammationis indicia; cum sputa fiant cocta; cum aeger facile spiret; cum febricula adsit lenta; et languens demum corporis, pulmonum praecipue, tonus, analeptorum usum efflagitet; tum aegrotanti, tum convalescenti, optime succurrendum est Cortice Peruviano. Hujusce virium, in tali rerum statu, praestantiorum exemplum, Catarrhum, adducam, duos ante annos fere, in Britannia, epidemice grassantem: Quo in morbo, multum levaminis inesse in hoc Nobili Medicamento, medentibus clare patuit (a).

INTER morbos, ab atonia originem ducentes, Illa, quae sedentarios maxime, vel
moestos,

(a) Vide *Baker* de Catarrho et Dysenter. epidem. p. 13.

moestos, ac studiosos, molestat, Ventriculi nimirum et Intestinorum Imbecillitas, ob viscerum functionem necessariam, et quod, post sese, mala fere innumera trahat, non ultimum certe tenet locum. Huic etiam Imbecillitati; ratione prius ad aegritudinis causam, saepe diversissimam, habita, ut regimen rite institui posset; heroicum, inter tonica, medicamentum praebebit Cortex Peruvianus, nuptus praesertim amaris calidioribus et chalybeatis. Caeterum mihi liceat, ex usu proprio iudicium ferenti, inter stomachica e Cortice petita, illam macerationem, a Cl. LEWIS memoratam, praee aliis laudare.

IN Ictero, profit Quinquina, an non? Certe, minimum luminis de hac re, apud auctores, invenio. Nec taedeat tamen, brevi narrare, id quod in transitu occurrit, Commercium apud Norimbergenses Literaria legenti; Exercitationis nempe Compendium (a) Academicae, sub CAMERARII Ratisbonensis

(a) Vide Commerc. literar. Norimb. anno 1731. Hebdom. 23. p. 182.

sis auspiciis editae; quâ usus Corticis a febre ad Icterus extensus. In hac dissertatione, primum argumentum est, quod urinam Ictericorum, aequè certe ac febre laborantium, mutet Cortex Peruvianus. Siftuntur curationes variae, hoc remedio foeliciter peractae. At, quantum boni a Cortice, quantum ab aliis remediis, quum neque sola data esset Quinquina, neque sat semper accurate definita sit dosis, doctorum judicio scrutinioque referam.

QUINQUINA saepe saltem auxiliatur illi, quod Diabetem vocarunt, Urinae Profluvio. An a tubulis renum laxatis, ut quidam autumarunt (a); an ab eorum tono intensiori, ut alii (b); litem non moveo. Quantumvis enim, certe haud paululum, auxilii, ad hunc morbum, concessum est, alia adferre roborantia, aluminosa, aquae calcis, vel Bristolensis potationem, aliave specifica; Febris interea concomitans, hectica, Corticis usum indicare videtur; duce etiam experientia,

(a) Hoffmann. Oper. omn. vol. i. p. 307. § xi.

(b) Vide Lawrence Praelect, quod. p. 279.

tia, eo, non raro, morbus pulcherrime cohibetur.

HAEC sat erunt, ad praestantiores Corticis facultates aestimandas, in morbis, qui ei cedunt, insignioribus; cunctorum enim recognitioni brevis dissertatio non par est. Sufficit, quod auxilium hoc divinum, in omnibus morbis, a laxitate solidorum simplicium, vel a tono solidorum vivorum remissiori, sine putrida diathesi coortis, vel cum eâ complicatis, nec usum nec gloriam unquam amittet. Prius tamen quam opusculum ad finem perducam, brevi differere de morbis quibusdam, muliebri sexui et infantili aetati propriis, Cortice etiam juvandis, decrevi.

DE CORTICIS PERUVIANI USU, IN QUIBUSDAM MULIERUM MORBIS.

IN delicatiori sexu, cui tota corporis compages sit laxior; imbecillitatibus, ob sexus praecipue vivendique rationem natis, non admodum paucis, at valde incommodis, vi
imprimis

54 DE CINCHONA OFFICINALI.

imprimis tonica, mire succurrit Cortex Peruvianus.

IN tenellis ac delicatulis, cum iis adsit nimia Mensium Copia; procatacticus, pariter ac therapeuticus, est Cortex Peruvianus. Evitatis, in his casibus, quae sanguinis augeant fervorem, omnibus; eum exhibere, in intervallis, et tempestive et optime convenit. Dum fluunt menses, ne malum, adstringente ejus facultate, in pejus rueret, cautior sit usus: Nihilominus, eo etiam tempore, callide exhibitus, sanguinis fervorem febrilem compescit, spasmos continet, tonum vasorum firmat, nec non, perinde ac in aliis etiam haemorrhagiis, plurimum solatii jucundissimumque subministrat.

AD Fluoris Albi medelam, cum morbus sit a laxitate, uteri praesertim, ortus; evacuationibus, si desint, praeeuntibus, summa a roborantibus calidioribus et resinosis petuntur auxilia, inter quae eminet Cortex Peruvianus; nec isto in morbo usu eximio caret.

CAUSAE

CAUSAE Foetus Exclusionis immaturae multiplices sunt: Quando tamen, ob uteri vel systematis totalis debilitatem, vel mobilitatem nimiam, vel ob aliam demum id genus causam, mos sit abortum faciendi; tum plurimum pollet Cortex Peruvians, per tres primos vel quatuor menses praegnantis propinatus. Tonum enim corporis haec medicina magis aequalem reddit; spasmos, quos tamen opio nonnunquam sedare oportet, mirum in modum reprimat; et irritabilitatem auctam temperat: His etiam, quae facilius abortum patiuntur, in subsidium veniunt, cum Corticis adjumento, plethorae urgentis diminutio, corporis quies, et denique animi affectuum pacatio.

IN Lochiorum Fluxu nimio, a tono uteri laxato, quam contractione impedita, potius oriundo, quando periculum, ob virium defectus, et fluxus diuturnitatem, immineat, cum aliis restaurantibus, debitam certe meretur laudem Cortex Peruvianus.

DE CORTICIS PERUVIANI USU, IN QUI-
BUSDAM INFANTUM PUERORUMQUE
MORBIS.

QUAMVIS, ex vi insigni adeo tonica, et quasi styptica, qua praedita est Quinquina, adstringentium damna, in infantibus et pueris, ejus usum non legitimum subsequi possent; hisque etiam et nimius Corticis usus, ne eorum adaugeantur corpora, impedimento esse queat: Veruntamen, si medicus propria calleat doctrina, neque infantibus nocabit hoc dignum remedium.

Cum in infantibus, tubi alimentaris tonum laeserit Acidum, ut solet, Praedominans, tum quoque, in viribus intestinorum restituendis, peracta prius evacuatione, multum praevalet, et egregie, Cortex Peruvianus; recens etiam si natis adhibitus. Magnesia alba, medicamentum jure certe ac merito decantatum, plurimum nonnullis generat aeris, dum agitur in primis viis saturatio: Hinc, non raro fit, quod medicina malo sit; flatibus enim venter intumescit, et tormina
tenellos

tenellos cruciant acriora. Minuuntur haec mala Cortice Peruviano, cum Magnesia maritato, ac, foeliciori saepe cum fructu, hoc modo compositum propinavi medicamentum.

Quum inter morbos, quibus obnoxium est genus humanum, aetas praecipue infantilis; vix ulli, equidem notiora, laesi ac inaequalis solidorum toni, et fracti viscerum elateris, quam Rachitis, dant signa; tum facile est judicare Corticem, ad hunc morbum, principem, inter tonica auxilia, sibi locum vindicare. Neque hic sane medicum prudentem omnino fallet hoc Nobile Medicamentum. Corticem ad morbum adhuc ingruentem propinaturum, oportet Rheo, Aloeticis, aliisve aptis, prius purgare vias; victus regimen roborans jubere, vivendique similem rationem. His rite institutis, tuto cacochymiam Rachitidi laborantis, nec minus foeliciter et atoniam, juvat Quinquina. At, cum viscera intumescant, aut schirrhis indurescant, ut saepius, vel pure scateant; cum demum adsint hydrocephalus,

58 DE CINCHONA OFFICINALI.

lus, hydrops, ossium caries, vel alia denique id genus mala; morte, potius quam Cortice, miseri fere sublevantur tenelli.

CUM, inter alias causas, Vermium generationi, sub infantili aetate, faveat imbecillus intestinorum tonus: Quicquid inde boni, ab amaris et roborantibus, id certe a Cortice Peruviano, est etiam legitime expectandum. Neque minimi usus, ut mihi videtur, est ejus vis febrifuga, in illis febribus, quae a Vermium Progenie originem saepius ducunt, quaeque solent profecto nonnunquam funeste saevire: Ope enim hujusce remedii divina, febris optime compescitur, donec mercurium, aliave, ad Vermium expulsionem, remedia, medico opportunum erit propinare.

ATQUE haec sunt, quae de Cinchonaeviribus jam differuisse licuit: Nostri nunc instituti ratio monet et tempus, ut Opusculo huic, incondito equidem et rudi, finem imponam. Mihi interim deficeret Pietas ipsa, ni

CELEBERRIMAE et FLORENTISSIMAE
 huic ACADEMIAE, ut omnia sint fausta, foc-
 licia, prius precarer : Ni grati dēum animi
 testimonium hoc publicum, FACULTATIS
 praecipue MEDICAE Professoribus, ob eam,
 qua me complexi sunt, Benevolentiam, dica-
 tum vellem : Ni gratias denique Patronis
 meis et Amicis, qui supersunt, haberem—
 Nam, dum haec scribo, tristis, eheu! venit
 nuntius, Patroni Fautorisque eximii mortem
 referens, non a me tantum, sed ab omnibus
 bonarum artium cultoribus, valde lugendi,
 GEORGII Comitis MACCLESFIELDII,
 Societatis Regalis per annos fere tredecim
 Praesidis dignissimi. Vir fuit, si quis alius,
 facilis et comis, facundus aequae ac erudi-
 tus; ab omni fastu prorsus alienus. Qui,
 in reconditissimis Matheseos disciplinis, eo
 usque versatus est, ut ad illud honoris sum-
 mum fastigium merito eveheretur, inter pe-
 ritissimos scientiae ejus cultores, domi foris-
 que, optimo jure aestimatus. Qui mihi, et
 conatibus meis usque favens, triduo tantum
 ante obitum deslendum nec opinatum, pro
 sua

60 DE CINCHONA OFFICINALI.

sua erga me humanitate, copiam benigne concessit, ut Tractatulum liceret ipsi inscribere: Incaustum, cheu! summae benevolentiae pignus! Memoriae ejus hoc tributum saltem persolvam!

ET PUNGAR INANI MUNERE!

F I N I S.

